

光緒山西通志

府州廳縣考二

考一之二

山西通志第二十四

縣志士出頭品戴部侍郎兼都察院右副都御史巡撫山西提督軍務臣張爾琿

旨監修

冀甯道二

汾州府 潞安府

汾州府

要訣

禹貢冀州之境舜置十二州屬并州夏改周冀州商屬幽州周屬并州春秋屬晉戰國屬趙秦屬太原郡漢初為代王國文帝封此武帝元朔四年置西河郡領縣三十六後漢西河郡領縣十三餘省府境屬太原西河二郡地永和五年西河郡自平定故治渡河南徙離石為郡治之始漢末廢地入晉陽魏黃初二年置西河郡治茲氏晉西河國領縣四以太原

之平遙介休來屬餘多省并今境仍兼太原之五縣地後廢
北魏置汾州領郡四延和三年州爲鎮太和八年復置西河
郡治茲氏城領縣三十二年復置州治蒲子城孝昌二年郡
破遂移舊汾州西河民居平陽界還置郡郡屬晉州移汾州
四郡同僑治而於故西河置顯州四郡並僑置甯州靈州于
州界又置南汾州領九郡莫知所在北齊置南朔州西汾州
又置懷政郡後周改南朔州爲介州西汾州爲石州仍置汾
州又置西河介休石城離石窟胡定胡烏突吐京諸郡於各
縣隋爲介州大業中州並廢介州爲西河石州爲離石汾州
爲龍泉三郡地離石領縣五全西河領縣六之四龍泉領縣
五之一唐初西河郡領縣四後割介休平遙二縣屬介休郡
武德元年以介休郡爲介州西河郡爲浩州離石郡爲石州

遼泉郡南徙併爲隰州二年於石樓縣置西德州方山縣置
方州三年廢方州改浩州爲汾州割并州之文水萊屬又於
定胡縣置西定州太和縣置北和州新城縣東南四十五里
置北隰州五年於石州置總管府貞觀元年省介州入汾州
仍以文水還并州又省西德北隰二州三年省西定州又廢
石州之總管府十七年以廢呂州之靈石縣來屬汾州天寶
元載改汾州爲西河郡石州爲昌化郡乾元元年復改郡爲
州凡汾州石州及石樓溫泉所隸之隰州並屬河東道五代
多仍唐制宋爲軍事州汾州西河郡望石州昌化郡下各領
縣五隸河東道後改西河軍事爲汾陽軍事又割石州之臨
泉定胡二縣隸晉甯軍金天會六年置汾陽軍節度使又置
河東南北路提刑使汾州爲上州石州仍領縣五爲下州並

隸河東南路元初立汾州元帥府割靈石縣隸霍州領四縣至元二年復行州事三年升臨泉爲臨州石州領二縣爲下州並隸冀甯路其石樓縣仍別屬隰州隸晉甯路而俱統於河東山西道肅政廉訪司明初汾州直隸布政司又設冀南道駐此萬厯二十三年升州爲汾州府治汾陽縣割太原之臨縣永甯州及甯鄉縣平陽之靈石縣並原領四縣隸焉四十二年改靈石還屬平陽以所轄之石樓縣來屬

汾陽 平遙 介休 孝義 臨縣 石樓 永甯州

甯鄉

府城 相傳爲曹魏創建水經注載魏黃初二年西河恭王司馬子盛碑文略曰西河舊處山林漢末擾攘百姓失所魏

與更開疆域分割太原四縣以爲邦邑卽此俗名四陽城言
日四照也府志自秦漢至北魏所謂茲氏城者在今府治南十里然則謂今城創自三國魏不審信也元

至正十二年重築明景泰二年重修周九里十三步高三丈
五尺池深廣不一門四東曰景和南曰來薰西曰靜甯北曰
永泰各有城樓嘉靖十九年築東關護城二十一年復築南
關城隆慶三年築北關城輒登全城益增高厚通計高四丈
八尺基厚四丈二尺頂厚一丈八尺雉堞聯延樓櫓相望十
二年補築西關城東關城周九里高三丈西關城周三里高
二丈五尺南關城周五里十步高三丈北關城周二里五分
高三丈二尺池形曲折環四關

國朝乾隆十七年汾陽縣民捐貲繕北城三十七丈五尺有
奇知縣陶敦仁督修完固

府境 在省治西南二百二十里

東西廣四百三十里南北袤一百里

東至太原府祁縣界一百四十里 西至陝西延安府吳堡縣界二百九十里 南至霍州靈石縣界六十里 北至太原府文水縣界四十里 東南到沁州治二百六十里 西南到隰州治二百七十里 東北到祁縣治一百二十里 西北到延安府葭州治三百九十里 自府治至京師一千三百八十里

汾陽縣

要缺
衛繁難

漢置茲氏隸太原郡高帝更封訢陽侯嬰爲侯國莽曰茲同又爲平陶中陽二縣地後廢晉隰城縣屬西河國後罷北魏太延中改爲什星軍太和八年復隸西河郡爲郡治孝昌中

僑治平陽界天平中於故治僑置靈州後周廢靈州西河郡
尋復故治隋仍爲隰城縣開皇初郡廢大業後復隸西河郡
唐望上元元年九月改爲西河縣宋望元中相仍明省入汾
州萬厯二十三年置汾陽縣爲汾州府治

國朝因之編戶舊九十五里今四十坊里

舊通志汾隰界辨汾州郡治在汾陽其南三十里爲孝
義東爲平遙西爲甯鄉東南爲介休西北爲永甯臨縣
西南爲石樓而隰州去汾郡治二百七十里爲古蒲子
地或因汾陽孝義舊爲隰城所分遂謂與隰州同轄此
未嚴也汾陽漢爲美稷案此語未審又爲茲氏孝義漢魏爲
中陽二縣在晉同曰隰城北魏亦曰隰城太延中改爲
什星軍太和八年復隰城又析隰城爲永安隋曰隰城

唐上元元年改汾陽曰西河貞觀元年改永安曰孝義
宋以後因之隋唐二縣皆屬西河郡是隰城非隰州甚
著漢河東郡蒲子晉劉淵據之後置大昌郡北魏爲長
壽縣屬件城郡太和間於此置南汾州後周置龍泉郡
隋初廢郡復置西汾州尋改隰州又改縣曰隰川唐武
德元年復爲隰州天寶元年改大甯郡乾元元年仍爲
隰州金天會六年改南隰州天德三年去南字元爲隰
州明併隰川爲隰州若以汾之隰城指爲隰州又以魏
齊時隰州嘗有南汾州西汾州之名而指爲汾州是兩
誤也顧所以誤稱亦有故魏延和三年汾州爲鎮太和
八年西河郡治在茲氏城領隰城介休永安三縣十二
年置汾州治蒲子城孝昌中陷賊移治西河遂居平陽

界還置郡並置永安隰城介休三縣屬晉州武定五年
又以永安中所置隰城介休五城三縣改屬義州五城
郡當其治蒲子城在後周所改石城之蒲子縣地未嘗
在隰州地面隰州舊名蒲子此西汾州南汾州所以易
混今之汾州也魏孝文置石城縣屬汾州五年改蒲子縣計自魏高
祖太和十二年至肅宗孝昌三年共三十九年其治蒲
子城未久不廢其遷徙之迹而遽指汾州隰州爲一地
則古今之地名其不混淆者幾希

鹽志西河考考西河之稱見於漢以來者以黃河在冀
州西稱爲西河禹貢龍門西河是也左氏春秋昭公十
三年叔魚見季孫曰鮒也聞諸吏將爲子除館於西河
杜元凱經傳集解云西使近河禮記檀弓篇曾子謂子

夏退而老於西河之上鄭康成注云龍門至華陰之地龍門在夏陽卽今陝西韓城縣史記武侯浮西河而下中流顧而謂吳起曰美哉乎山河之固水經注以浮河事繫之夏陽子夏陵及廟堂繫之邠陽並於魏都安邑不遠秦孝公八年以前踰河而西濱洛之地悉魏境也趙惠文王二年主父行新地遂出代西遇樓煩王於西河而致其兵當在甯武府偏關之外二十年趙惠文王與秦昭王遇西河外在今河南澠池縣西乃禹貢之南河孔子世家衛靈公問蒲可伐乎孔子曰其男子有死之志其婦人有保西河之志乃禮記所謂東河於趙衛各據在國之西故皆稱西河漢高帝二年韓信擊魏伏兵從夏陽以木罌甌渡軍襲安邑而廢武君曰今將軍

涉西河虜魏王張守節云卽同州龍門河從夏陽渡者孔叢子猗頓適西河大畜牛羊於猗氏之南猗氏故城在今蒲州府猗氏縣南十里蓋春秋戰國以迄秦漢西河之名往往不專目一地如是凡古所稱西河未嘗以名郡縣吳起爲西河守亦非如後世之郡守特舉龍門西河該河之左右諸城以西河名郡始於漢元朔四年郡治本在河西其東南跨河得蘭離石中陽土軍今爲臨永甯甯鄉石樓諸州縣及永和五年九月乃徙治離石東觀記西河郡治平定縣離石在郡南五百九里永和五年以匈奴寇掠徙郡離石是也上距元朔四年凡二百六十五年又三百四十五年爲北魏太和八年而西河郡始治茲氏城又二百七十七年爲唐上元初而

縣名亦因之改自始設郡至是凡八百八十五年

縣志汾陽考汾陽之爲縣名漢及隋唐皆非此地漢書地理志太原郡汾陽北山汾水所出水經汾水出太原汾陽縣北管涔山山在今甯武縣西六十里值靜樂縣北百四十里隋書煬帝紀大業四年以離石之汾源臨泉鴈門之秀容爲樓煩郡起汾陽宮地理志樓煩郡靜樂縣有汾陽宮有管涔山天池汾水元和郡縣圖志靜樂縣隋汾陽故宮在縣北百五十里天池在縣北燕京山上周迴八里唐書地理志嵐州靜樂武德四年析置汾陽縣六年省有天池祠有管涔山有隋故汾陽宮天池在今甯武縣西南四十里汾陽宮在今甯武縣西南六十里又隋志太原郡所領縣有汾陽舊曰陽曲開皇六

年改爲陽直十六年又改名焉舊唐書地理志陽曲隋陽直縣武德三年又置汾陽縣七年省陽直改汾陽爲陽曲考今靜樂縣及甯武縣之甯化堡陽曲之西北境皆漢汾陽縣地故隋唐所析置者猶本其舊稱遠在今汾陽縣之北晉書地理志司州河東郡有汾陽縣魏書地形志龍門郡有汾陽縣今爲可津縣境又遠在今汾陽縣之南今縣名卽起於明萬厯二十三年蓋本宋金元汾陽軍之稱以之名縣耳外此如國語夷吾私於公子縶曰中大夫里克與我矣吾命之以汾陽之田百萬史記晉世家夷吾遺里克書曰誠得立請遂封子於汾陽之邑賈侍中云汾水名汾陽晉地而不言所在其地要不出今平陽府境內汾水之許今太平縣南有地名

汾陽爲縣境七鋪之一曰汾陽鋪又有汾陽山雖不必舉以實汾陽之田然可知地近晉都有名汾陽者矣

縣城 附郭

縣境 東西廣九十里 南北袤六十里

東至平遙縣界鄉東鎮三十里縣志作東至平遙縣界香鑑村四十里平遙縣

治八十里 西至永甯州界黃櫨嶺六十里少南至甯鄉縣

界穀雨村八十里甯鄉縣治一百四十里 南至孝義縣界

田同鎮二十里少東至孝義縣治三十里 北至太原府文

水縣界武家垣四十里 東南到介休縣界萬戶堡四十里

介休縣治七十里 西南到甯鄉縣界石家莊五十里到隰

州治三百一十里 東北到文水縣界上賢鋪四十里文水

縣治七十里到太原府祁縣治一百二十里 西北到太原

府交城縣治一百一十里到永甯州界寬灘村一百二十里

永甯州治一百七十里

巡檢司在冀村鎮

鄉鎮 北鄉羅城鎮十五里 小相集二十里 盪善集二十里 永安鎮

三十里 仁岩集四十里 冀村鎮四十里 裴家會五十里 南鄉陽城鎮

十里 見喜集十里 田屯鎮十五里 三泉鎮二十里 人道村二十里 東鄉

鹽務村十里 青堆鎮二十里 西鄉義豐村二十五里 縣志義豐

有集 今廢 西鄉義豐村二十五里 縣志義豐

驛站 汾陽驛 稍衝 在縣治前東八十里至平遙縣洪善驛

西九十里至永甯州吳城驛南六十里至介休縣義棠驛見

額馬十二匹馬夫六名廩夫二十名

舖遞 總舖在三賢坊西 北路太平十里 小相二十里 郭棚三十里

里卽永文星四十里南路陽城孝義田屯東路

安鋪文星文水界二十里入石鋪西路劉家莊十坡頭里

潞城十康家堡接平遙白石鋪二十里西路劉家莊十坡頭里

向陽三十嶺底接永甯三交鋪二十里

道徑東經望春村義安村蕭家莊西豐白石村胥五里又

東至平遙界香爐村一十五里南經趙家莊陽城孝城村田

周鋪胥五里為孝義界北經賈家莊太平羅城小相西盡晉

永安仁巖文同胥五里又五里至文水界文星鋪胥孔道也

西經平道口劉家莊楊家莊坡頭向陽鹿兒溝胥五里又西

經石佛黃爐嶺胥十里又三里至金鎖關永甯州孔道也亦

山蹊險徑也

平遙縣要缺街繁雜

春秋晉中都地及九京地漢置中都縣文帝為代王徙都此

又置京陵縣葬曰致城胥隸太原郡又置平陶縣非今縣境
葬曰多稜晉屬太原國北魏以太武帝廟諱改平陶爲平遙
徙置京陵而省京陵入焉復徙置中都于榆次中都地入于
鄆縣又僞置蔚州於此領始昌忠義樹恩三郡後周廢隋屬
西河郡開皇十六年析平遙置清世縣大業初省入焉義甯
元年以平遙縣屬介休郡唐望武德初隸介州貞觀二年州
廢屬汾州宋望如故元下初屬太原路至元二年仍屬汾州
明隸汾州府

國朝因之編戶舊五十七里今四十一坊里

左傳昭二年執陳無宇於中都杜預曰介休縣南中都城
是也 國語趙文子及叔向觀乎九原

水經汾水又過大陵縣東又南過平陶縣東文水從西來

注之 文水注文水逕大陵縣故城西而南流又南逕平

陶縣之故城東西逕其城內南流出郭又南逕縣右會隱

泉口南逕茲氏縣故城東爲文湖在縣直東十里湖之西

側臨湖又有一城謂之渚城文水又東逕中陽縣故城東

又東南流與勝水合勝水又東逕中陽故城南又東合文

水文水又東南入于汾水也案漢平陶在汾水西至北魏

注文俱不可考見而文水水道逕流經注已不同至今又異

在文水之西中陽則在文水之南茲氏中陽並在不陶

之南中陽又在東南側近於汾而與今平遙界不相接

尹耕代國考代自入漢以來其國數易大抵有三曰山

北也山南也山東也山北之代舊國也始於商湯歷代

因之是故齊桓公之所服趙襄子之所并代成安陽之

所封公子嘉之所奔趙歇陳餘之所王夏說之所守劉

喜之所棄陳瑋之所監皆是也所謂蔚之廢城也山南之代徙都也始於高帝十一年分山北爲郡而稍割太原地益之以自爲國是故文帝之始封中年之所徙入繼之所自臨幸之所復以及於武子參之所分後武徙淮陽子參之所合皆是也所謂晉陽中都也山東之代再徙也始於武帝元鼎中漢廣關以常山爲阻徙代於清河後王莽繼絕改號廣宗是故王義之所都子年之所廢如意之所服皆是也所謂清河也語其都則始爲代繼爲晉陽中都終爲清河前後三變也語其號則始爲代繼爲代太原復爲代終爲廣宗前後四變也故凡言代王代相國其在文帝以前者爲吾土而後者否凡言代郡代守尉則上自趙秦下終兩漢皆吾土也

縣城 明洪武三年重築周十二里八分有奇高三丈二尺
池深廣各一丈門六東西各二南北各一建敵臺窩鋪四十
座景泰初重修正德間修東甕城築附郭關城一面嘉靖十
三年河囑城角十九年補修三十一年增高西北城六尺厚
七尺築北甕城四十年增高南城六尺四十一年甕登女牆
隆慶三年增設敵臺周城共九十四座俱用甕登濬池益加
深廣萬曆三年甕登全城二十二年築東西甕城

國朝康熙二十三年知縣黃汝鈺重修三十五年知縣王傑
加修並補築南甕城下東門小樓三十九年知縣王綬周城
增築修四面大城樓雍正二年知縣高大有修坍塌東城牆
四十一丈有奇敵樓二座又修下東門上西門下西門大城
樓三座五年又修東南北門大城樓三座并敵樓乾隆二十

七年知縣李在山濬城濠長四百五十丈道光三十年知縣劉敘大修之加高南門及四隅敵樓餘皆易舊爲新環城濬濠砌石橋七道又於下西門添築水閘一道歷七年始竣工同治六年知縣王佩鉅增建礮臺六座

縣境 在府東八十里

東西廣一百里南北袤九十里

東至太原府祁縣界盤陀鎮六十里

縣志作八十里

西至汾陽縣

界香樂鎮四十五里汾陽縣治八十里

南至沁州沁源縣

界後溝村六十五里沁源縣治二百二十里

北至太原府

文水縣界下曲村二十五里

東南到沁州武鄉縣界上店

鎮六十里武鄉縣治二百里

西南到介休縣界杜村三十

里介休縣治六十里

縣志作八十里

東北到祁縣界洪善村二十

五里祁縣治五十里徐溝縣治一百一十里 西北到文水

縣界蔣家堡二十五里文水縣治一百里

鄉鎮 東鄉洪善鎮二十里朱圪集二十里梁官集三十里西鄉

甯固集二十里范洛集三十里南鄉上店鎮五十里北鄉長壽

集二十里

驛站 洪善驛極衝在洪善鎮東北五十里至祁縣賈令驛

西南八十里至靈石縣義棠驛西八十里至汾陽縣汾陽驛

兒額馬七十七匹馬夫三十八名半廠夫九十名

舖遞 總舖在縣治西 東北路仁內十里洪善二十里接

西南路城西十里陳村二十里又十五里 西路達蒲十里甯固

二十里香落四十里白石五十里接 東南路邢村里十五里辛村三十里

里上店五十里接 武鄉界

道徑 東南經西郭村五里邢村六里青村四里郭休村辛
村胥五里坡底鎮上店鎮胥十五里又五里至武鄉界西南
經良如壁村橋頭村杜村茶房至介休界三十里東北經五
里莊十里鋪閭村鋪洪善村至祁縣界二十五里西北由凹
流村達蒲村胥五里左家堡八里梁家堡二里甯固阜村五
里武坊村八里至香樂村又十二里至汾陽界胥孔道也東
南山邢村至武鄉南關鋪六十里則山蹊險道也南由虎壁
村五里經胡村梁趙村七同村安社村常村馬壁村窰頭村
胥五里太山神十里又十五里至沁源界西經姚村十里魏
樂村十二里王智村十里南官地八里又十里至孝義界北
經南政村五里蔣家堡十里又十里至文水界此小徑也而
南山太山神至沁源縣上鎮實爲險要

介休縣

要地
衝繁難

春秋晉縣上田地及千畝地又爲祁氏邑魯昭公二十八年
置鄆縣漢爲界休縣隸太原郡莽曰界美亦兼鄆縣地文帝
元年封嚳鈞爲侯國者也晉爲介休縣隸西河國後廢北魏
太和八年復置介休縣隸西河郡鄆縣併中都縣舊地入焉
十九年復鄆縣隸太原郡孝昌二年僞置介休于平陽界仍
廢鄆縣併入後又置定陽郡亦不在今縣至孝靜帝遷朔州
軍人於此因立南朔州於縣南二十五里又僞置甯州於故
城領武康定武初平武定四郡高齊並廢周武帝省南朔州
復置介休縣移定陽郡還治改曰介休郡又以介休縣入焉
宣帝改介休爲平昌縣隋開皇初郡廢十八年又改平昌爲
介休隸西河郡義甯元年於縣置介休郡以介休平遙屬之

唐武德元年改郡曰介州貞觀元年省介州以介休縣隸汾州乾元元年改浩州爲汾州縣仍屬宋上屬汾州如故元初隸太原路至元二年仍屬汾州并小靈石縣入焉明隸汾州府

國朝因之編戶舊四十五里今一十二里

左傳晉文公以縣上爲介之推田後漢志界休有縣上聚又昭二十八年傳司馬肅卒爲鄆大夫

舊通志按鄆國志界休有介山有縣上聚子推廟萬泉亦有介山俱傳爲子推隱處祝志介休之縣上盤踞深固可以藏隱故求而不獲萬泉之介山屹然孤立因傳會以爲推隱而顧亭林引漢書武帝紀及楊雄河東賦爲介山證兩說固當參覈

案顯說見後

縣城 周八里高三丈五尺基厚三丈二尺女牆高五尺門四東曰捧暉南曰迎翠西曰臨津北曰潤濟上各建樓池深廣各二丈東北有關城周四里崇三丈門五水門二明景泰元年葺城四門正德二年建四角小樓嘉靖元年於城北門外砌甃門加鐵柵以備水患隆慶元年增高一丈二尺增厚八尺增敵臺一百有奇各葺窩鋪每間闊二丈有奇萬厯三年築甃城甃葺東北關門二十六年增築南門外藩城及東北城上窩鋪十有四建奎樓於東南隅環城豎懸樓十有六崇禎四年六年相繼重修十三年甃葺關城

國朝康熙十四年知縣趙端二十五年知縣李應龍先後增修三十四年知縣王植再修之乾隆二十年同知康勳二十七年知縣吳楷吳步青皆嘗重修三十三年知縣王謀文建

角樓並修四門城樓城濠之淤塞者皆濬深之

縣境 在府東南七十里

東西廣八十里南北袤八十里縣志作東西廣八十五里南北袤七十五里

東至平遙縣界田堡五十五里 西至霍州靈石縣界義棠

鎮二十五里 南至靈石縣界縣山陽五十里縣志作南至

靈林五北至孝義縣界嶺北村三十里縣志作北至縣

太原府文水縣界八十里 東南到沁州沁源縣界關子嶺

六十里沁源縣治一百八十里 西南到靈石縣界二十五

里縣志作西南至靈石靈石縣治七十里 東北到平遙縣

界三十里平遙縣治六十五里 西北到孝義縣界王同舖

二十里孝義縣治三十五里

汾州府同知駐張蘭鎮

鄉鎮

東鄉張蘭鎮

五里

湛泉鎮

五里

郝家堡

五里

北鄉

孔家堡

二十里

南鄉義棠鎮

二十里

驛站

義棠驛

種衝

在城北

舊在義棠明宏治年移

東北八十里至平

遙縣洪善驛西南八十里至靈石縣瑞石驛見額馬七十七

匹馬夫三十八名半廠夫九十名

舖遞

總舖在縣治

東北路宋脂

里

湛泉

里

五里

二十里

南張

里

郝張

里

田堡

六十里

接

西南路內封

里

義棠

里

二十里

接

靈石界

靈石界

里

接

西北路劉屯

三十里

接

孝義

五屯

舖

道徑

東至平遙界田堡舖五十里西至義棠舖二十里義

棠至靈石界峪口三里北至孝義界嶺壁村二十八里孔道

也而義棠鎮爲入雀鼠谷之樞紐實要地也東南經三佳村

十五里張良村五里焦寺村五里西野村十里陸家莊二十

里至沁源縣界關子嶺又九十五里至沁源縣西南經城南村河底村背五里東歡村秦樹村胥十里至旌介村又四十里至靈石山蹊小徑也而關子嶺尤爲要隘

孝義縣

簡缺

漢太原郡茲氏于離二縣地兼西河郡平周地魏始移置中陽縣屬西河郡廢茲氏晉永嘉後中陽縣復省入隰城縣北魏置六壁於縣境爲大鎮太和十七年廢鎮而析隰城置永安縣隸西河郡孝昌中僞治平陽之白坑城別置顯州於六壁故城領四郡定戎郡治瓜城領零山陽林二縣建平郡州治也領昇原赤谷二縣東魏天平中又置眞君郡治東多城武定四年又置武昌郡治圍城並隸焉而甯州之武康郡亦治東多城北齊州郡並廢後周屬介州隋爲永安縣隸西河

郡唐^望武德二年置北溫州析置高唐新城二縣三年析新

城置溫泉縣貞觀元年省高唐新城入溫泉以永安縣名與

涪州縣同名改爲孝義隸汾州因縣人鄭興有孝義故名^{和元}

志宋二縣皆上太平興國元年改名中陽後復名孝義熙甯

五年省爲鎮入介休元祐元年復元^下至元三年并隰州溫

泉大隰川割溫泉縣之半置巡檢司隸孝義明隸汾州府

國朝因之編戶舊二十八里今十五里

謹案元志汾州下至元三年并溫泉入孝義又隰州

下至元三年省大甯蒲溫泉三縣入焉據此則實止

割溫泉之半也云并溫泉入孝義誤

縣城故中陽城也北魏時所築明景泰初天順間再修歷

宏治正德嘉靖屢經繕治周四里十三步高二丈七尺厚二

丈九尺門四門樓角樓皆備東西北有月城關城自南繞西
外爲重門池深一丈八尺廣如之隆慶元年撤土陴悉甃以
甃加高丈餘敵臺戍樓俱增于舊門額東曰賓陽南曰嚮明
西曰秩成北曰拱極萬厯三十九年於南關外築護城隄以
備水患

國朝雍正四年知縣方士樸乾隆二十八年知縣張乃曾三
十四年知縣鄧必安先後重修道光十二年知縣曹森重建
東門二十九年知縣謝逢昌重建南門咸豐三年知縣呂傳
榮重建北門始並城垣修之厯五年乃竣工

縣境 在府南少東三十五里

東西廣一百九十里南北袤四十里

縣志作南北
袤四十五里

東至平遙縣界萬戶堡三十里少北至平遙縣治九十里

西至石樓縣界鳳尾村一百六十里石樓縣治二百五十里
南至霍州靈石縣界劉同村二十五里少東至靈石縣治
九十里北至汾陽縣界田同村一十五里少西至汾陽縣
治三十里東南到介休縣界霍家堡二十里介休縣治三
十五里西南到靈石縣界金莊村七十里到隰州治二百
四十里東北到汾陽縣界董家莊二十里到太原府文水
縣治九十里西北到甯鄉縣界上橋村一百里甯鄉縣治
二百一十里

鄉鎮

附

舖遞

總舖在縣治前

北路田屯

十里接汾陽界

南路王屯

五十里接

里接介

西路布落

五十里南陽

七十里義棠

八十里盤重原

一百里

車戶原

百一十五里

弓家灣

百二十里

鳳尾

百四十五里

又三十里接石樓界

耳原

道徑 南二里越孝河經梧桐鋪王同鋪至介休界嶺北溝
鋪二十里西二十里越白壁橋經布落南陽義棠盤重原車
戶原弓家灣共一百二十里越南鄉縣境復經縣境鳳尾村
至靈石界曹兒塢又六十里西由石樓圖圖山北至汾陽界
田同村又三十五里越義河橋達汾陽此孔道也而盤重原
圖圖山背險道也東經大堡十里越汾河太平橋二十里至
介休界孔家堡又六十里達平遙東南經梧桐村至介休羅
王莊二十里越汾河渡達介休十五里此小徑也

臨縣簡缺

戰國趙藺皋狼地漢西河郡臨水縣地蓋因縣東湫水爲名
湫水舊稱陵水古本名臨水也後漢省入離石後齊置懷政
郡又置昌化縣後周改郡縣爲離石郡離石縣大象元年於

此置烏突郡及烏突縣隸石州隋開皇元年改郡縣更名太

和三年郡廢隸離石郡唐中武德三年置北和州改太和縣

曰臨泉四年又析置太和縣隸東會州貞觀三年並廢以臨

泉隸石州宋中下隸石州元符二年於臨泉縣葭蘆砦置晉

甯軍縣隸焉知軍領嵐石路沿邊安撫使兼嵐石隰州都巡

檢使而軍治在河西五里爲今陝西之葭州地大觀三年復

以定胡縣來隸金廢軍置臨水縣隸石州元中統二年仍改

臨泉縣隸太原府三年陞臨州爲下州明洪武初改臨縣萬

厯中改屬沁州後屬汾州府

國朝因之編戶舊一十七里今五里

縣城 金太定二十四年築臨泉城於今治之北四十里元

至元五年徙今治明景泰元年始築小城建東卽今四南卽

明洞今

二門正德八年增置外城括牛澗在內東西設水門以洩牛澗之水嘉靖二十一年拓築周六里五步高三丈闊一丈五尺甕城門樓敵臺垛口腰鋪俱備東築長堤高闊各丈餘以障秋水二十九年於南北增置臺樓東南北濬池深廣丈餘隆慶元年石砌全城萬曆八年重修護城石隄十九年修敵臺馬牆二十三年築東城內外甕臺各二建亭於上四十八年重修西城及門

國朝順治間知縣謝道陳顯忠朱紹鳳張勸康熙三年知縣余維樞十四年知縣莊摺先後相繼修繕康熙三十三年東城爲秋水所衝漸圯四十六年知縣沈天泳修隄障之乾隆三十一年春知縣丁宗懋汾陽知縣朱濬孝義知縣王椿分段督修全城明年九月工竣

縣境 在府西北三百二十里

東西廣一百五十里南北袤一百六十里縣志作廣一百九十里

東至永甯界達枝山七十里 西至陝西延安府葭州界八

十里縣志作西至黃河岸一百一十八里 南至永甯州界馬頭山九十里

北至太原府興縣界猴塢七十里縣志作八十里 少東至興縣治百

五十里 東南到永甯州界霍家嶺七十里永甯州治一百

二十里 西南到永甯州界孟門鎮一百二十里 東北到

忻州靜樂縣界一箭嶺一百三十里到太原府嵐縣治二百

里到靜樂縣治二百七十里 西北到興縣界紅石灘一百

四十里

鄉鎮 北鄉白文鎮六十里 南鄉三交鎮五十里 武家窰六十里

招賢集八十里 侯家圪塔九十里 西鄉安家莊三十里 清涼寺十五里

里 沈家溝 五十里 苗家卯 六十里 曰道峪 七十里 曲峪 七十里 免兒

坂 八十里 西南鄉沙源集 七十里 養雞峪 九十里 府志又有石梁山十寨樓子卯

大寨村量頭村甲頭下卯頭諸耕業皆不詳方向里數

舖遞 總舖在城 南路開王 二十里 三交 五十里 鐘底 七十里

五里接永甯石門舖 寶舖南路曰安業曰佛堂峪並通永甯州北路曰白文通興縣曰陽坡通嵐縣西路曰白塔口免

俱通西陵州

道徑 東南屢越湫河經三交舖五十里桃園舖十五里又

二十五里至永甯界石門舖此孔道也左右峻嶺高坡背非

坦途東越永甯州北川界九十里至交城界周家溝郝塢山

一百六十里南經三交鎮過侯圪臺四十里又二十里至黃

河岸西南至黃河岸葭州界高家塔一百二十里又西南經

安家莊四十里存羅峪五十里又五里至黃河岸葭州界郭

家塔西經清涼寺石片頭共一百一十里至葭州界曲峪鎮
又西山清涼寺經雷家磧兔兒坂鎮共九十里至葭州界尅
虎寨西北經兔兒坂四十里至興縣界第八堡黃河岸又西
北至興縣界楊家莊唐家莊七十里通神木諸縣北經陳莊
二十里南莊二十里又二十里至興縣界白交鎮胥山險小
徑也

石樓縣 簡缺

漢土軍縣地隸西河郡高帝十一年封宣義爲侯國武帝又
以封代共王子郢客後漢省北魏眞君九年置吐京郡領嶺
東嶺西二縣治嶺西隸汾州太和二十一年改嶺西曰吐京
嶺東曰新城孝昌中陷移治西河隸晉州復置南吐京郡領
一縣北吐京郡領四縣隸南汾州隋開皇初郡廢縣屬西汾

州五年屬隰州又割縣西境屬隰川十八年改吐京縣曰石

樓因縣東石樓山爲名

元和志

大業三年罷隰州爲龍泉郡縣

仍屬焉唐

中

武德二年於縣置西德州領長壽臨河石樓三

縣貞觀元年廢西德州省長壽臨河二縣以石樓屬東和州

二年又省東和州以縣隸隰州宋

中

金元

下

並爲隰州屬縣

明萬曆二十四年改屬汾州府

國朝因之編戶舊一十三里今四里

縣城 唐武德二年建明景泰元年修周一里九十六步高

二丈五尺門二南曰來薰北曰迎暉南城外有外城其東門

曰凝瑞後復增闢西門曰永泰合內外城計周三里三十步

繞沙河卽以爲濠淫雨水漲多爲城害

國朝順治十六年知縣周士章增修城垣收易門位開南山

到甯鄉縣砂塘村界四十里甯鄉縣治一百二十里

縣志作北至甯

鄉縣一百六十里

西北到甯鄉縣穆家砦村界六十五里到陝西

綏德州界一百一十里綏德州治二百六十里

鄉鎮

舖遞

舊未設舖羅民夫遞解文書謂之解夫

道徑 東田故鄉村岔口村子男村坨達村倉兒原村共一

百八十里至孝義鳳尾村界道經黃雲山南由胡家峪村賈

家溝村塌崖村關頭村共一百五里至隰州羅兒溝界西由

板橋村孝子王村二十八里井溝村四十里石家坪留村共

一百里霍家村九十里越黃河至清澗賀家畔村北由西衛

村十八里賀家塌村馬村關四十五里平底村四十里裴溝

村六十里樂家山七十里至甯鄉冀家原界以上山徑孔道

也而黃雲山尤為險要東經沙窰村十五里崔家莊村二十里晉村二十五里羅村四十里紅要七十里至隰州石口子西南由蕭家塌任家莊共一百里瓦舍村河合村一百六十里楊家溝村九十里至永和關北六十里至甯鄉王家莊胥小徑也

永甯州 要缺

戰國趙離石邑後為秦魏二國之境漢置離石縣兼隰成藹皋狼二縣地隸西河郡武帝元朔元年以封代共王諸子綰於離石意於藹本史記漢表忠於隰城遷於皋狼並為侯國後漢為西河郡治後荒廢為南單于庭魏黃初三年復置晉惠帝永興後為劉淵所據後趙石勒置永石部北魏為離石鎮北齊天保三年置西汾州改縣為昌化又置懷政郡昌化

郡是年又於離石縣北六十八里置良泉縣屬懷政郡後周
建德六年改西汾州爲石州領縣五又改郡及縣皆名離石
大象元年又置定胡郡並縣又置窟胡郡並縣又置盧山縣
隋開皇初廢離石定胡二郡又廢窟胡郡窟胡縣改名修化
大業二年移良泉于縣北三十五里方山改曰方山併盧山
縣入焉二年復置離石郡治離石縣并甯鄉入焉定胡縣仍
舊唐武德元年改爲石州二年于方山縣置方州三年州廢
隸石州又於定胡縣置西定州五年石州置總管府領石北
和北管東會嵐西定六州貞觀二年廢都督府又廢西定州
於定胡縣置孟門縣三年復置都督六年仍廢七年省孟門
入定胡天寶元年改爲昌化郡乾元元年復爲石州領縣二
離石爲中縣隸河東道宋石州昌化郡軍事班下州帶嵐石

縣爲三州都巡檢使領縣五離石爲中縣方山爲下縣隸河東道元豐五年置葭蘆吳堡二砦隸石州因置二砦沿邊都巡檢使遂令三州各帶沿邊都巡檢使元符二年升葭蘆砦爲晉甯軍大觀三年復以定胡縣隸軍金爲下刺史領縣六離石縣爲倚隸河東北路明昌六年定胡縣更名孟門貞祐四年方山縣徙置積翠山興定五年從晉陽公郭文振之請以州隸晉陽公府元爲下州領縣二隸冀甯路中統二年省離石縣入州三年復置至元三年省溫泉入孝義以臨泉爲臨州舊置司侯司後又省司侯司及孟門方山二縣併入離石明洪武二年省離石縣入石州領甯鄉縣隸太原府隆慶元年更名永甯萬厯二十三年改隸汾州府

國朝因之編戶舊四十一里今十坊里

謹案漢代其王子九人其封國皆在西河惟邵及
利昌二縣不見於地志其舉獫狁表繫於臨淮千章表
繫於平原蓋代王徙王時並侯國亦徙也其地則確
爲河以東縣矣爰分別著之

州城 故石州城也元至元二十一年河南行樞密院八元
愷州守尹炳補築明景泰元年重修嘉靖二十年增修周九
里三丈高三丈五尺池深一丈二尺東南北三門隆慶間截
東南半壁而新築之高二丈八尺基闊三丈二尺頂闊一丈
五尺三面俱濬深濠西城下舊有泉遂因之後甃甃全城周
一千二十丈垛口一千二百二十八建東北甕城二城樓三
角樓五敵臺舖舍各二十六懸樓六十二二十六年重修徙
南門于東南隅設甕城及樓西南隅增建高臺翼以角樓

國朝順治十四年知州胡朝寶修西城康熙十二年府通判署州事黃良驥修東城十九年知州馬雲瑞五十九年知州朱价先後再修之

州境 在府西少北一百七十里

東西廣二百六十里南北袤一百六十里

東至太原府文水縣界土安都一百四十里文水縣治二百二十里 西至陝西延安府吳堡縣界黃河渡一百二十里 吳堡縣治一百五十里 南至甯鄉縣界朱家店三十里甯鄉縣治五十里 北至太原府嵐縣界東後村一百三十里 少東至嵐縣界赤堅嶺二百二十里 東南到汾陽縣界黃欖嶺一百一十里汾陽縣治一百七十里 西南到甯鄉縣界伏鹿山一百二十里 東北到太原府交城縣界劉王崆

一百一十里到交城縣治二百六十里 西北到臨縣界馬

頭山四十里臨縣治一百二十里到陝西葭州治二百里

汾州府通判駐磧口鎮

巡檢司一在柳林鎮一在方山堡

鄉鎮 東鄉吳城鎮里八十 西鄉金羅鎮里三十 青龍鎮里六十

界鄉柳林鎮里九十 孟門鎮里一百一 磧口鎮里一百二十 北鄉大

武鎮里四十 峪口鎮里六十 方山堡里一百五十

驛站 吳城驛在吳城鎮東九十里至汾陽縣汾陽驛西

八十里至玉亭驛見額馬六匹馬夫三名 玉亭驛在州

治東西六十里至青龍驛見額馬七匹馬夫三名半 青龍

驛在青龍鎮西六十里至陝西吳堡縣河西驛見額馬五

匹馬夫二名半

鋪遞 總鋪在城 東路馬家里十五 義居里三十 北寒里四十 南

寒里五十四 皓里六十 吳城里八十三 交里九十三 汾陽界 西北路下安

里二十 大武里四十 石門里六十五 西路白霜里三十 里三十 又里九十

縣舊鋪在州北者 日漫塔日唐家 日石佛日峪口 日橫泉

日監軍日麻地 日方山日土泥 日仁村接嵐縣 在州西者日賀家塔 日薛村接

吳堡縣今並廢 道徑 東至三交鋪九十里又二十里至汾陽黃樵嶺界南

經馬茂莊交口村郝村金羅村三十里至朱家店甯鄉界西

經馬茂莊白霜鋪青龍鎮薛村鎮關王廟後河底一百二十

里越青龍渡一里至陝西吳堡界北經屬巴村大武鎮石門

塢六十里至臨縣界又由大武鎮分道經峪口村橫泉津梁

鎮方山至赤堅嶺嵐縣界二百二十里孔道也而赤堅嶺黃

嶺嶺青龍渡胥天險也西經馬茂莊白霜鋪青龍鎮至孟門

一百一十里北達臨縣南達甯鄉西越軍鋪渡至陝西界東經田家會車家灣石村小神頭至長坂塔一百五十里入劉王壘諸山至交城界此山蹊小徑也

甯鄉縣 簡缺

漢西河郡中陽縣兼餽是方利二縣地魏中陽縣徙北齊置懷政郡縣曰昌化後周改離石郡及縣又置甯鄉縣大象五年析離石縣西五十一里置平夷縣隋開皇初郡廢大業初復置省甯鄉入離石縣仍置平夷縣隸離石郡唐隸石州宋中如故金明昌六年改平夷縣曰甯鄉仍隸石州元太宗九年隸太原府定宗三年隸石州憲宗九年又隸太原路至元三年復隸石州明隆慶初改石州爲永甯州縣仍屬

國朝隸汾州府編戶舊十三里今四里

謹案水經河水條南過離石縣西又南過中陽縣西
又南過土軍縣西離石今永甯土軍今石樓以地望
準之則中陽卽今之甯鄉無疑故自來言地理者以
之屬甯鄉也惟酈氏此條則駁經文云中陽故城在
東翼汾水隔越重山不瀕河也其文水條注文水又
南逕茲氏縣故城東爲文湖水又東逕中陽縣故
城東案晉書地道記太原地記西河有中陽城舊縣
也文水又東南流與勝水合勝水又東合陽泉水勝
水又東逕中陽故城南又東合文水文水又東南入
於汾水也則似當在今之孝義與河水注相應然元
和志孝義下稱曹魏移西河中陽于此則孝義乃魏
之中陽非漢之中陽也酈氏誤合爲一故駁經文經

本不誤也又按說文水部馮水出西河中陽北沙南入河此可疑據入河之文則與水經相合而南入之文難解河水在西河界南流郡界諸水有東入西入之異無南入者疑當作西南入河偶脫西字耳然中陽北沙未知其處今甯鄉之水惟南川河北合離石水亦無南流者小學家又云馮當作鴻卽鄔城泊也說與酈注相比附然今孝義之水惟勝水在縣南一里東流合文水入汾亦非南入亦無出北沙之據且鄔在汾東中陽在汾西地雖相近究不容合爲一終當闕疑耳

縣城 明景泰元年知縣梁杲所築周五里一百八十步高三丈厚二丈有奇東南北三門西依鳳山各建樓其上正德

六年重修渡池深二丈嘉靖二十一年增建敵臺三十五年
建文牆樓舍隆慶二年增東南北三面城各高五尺厚八尺
濬濠深廣三年築甕城三門裏以鐵題其門東曰賓陽南曰
迎薰北曰拱極萬厯二年于西北隅建棚舍八十四楹三年
重修三十五年甄贊

國朝順治六年知縣史具勲修城之西南隅八年知縣王之
儀修東南隅及樓

縣境 在府南一百四十里

東西廣二百里南北袤九十五里

東至汾陽縣界穀雨村六十里汾陽縣治一百四十里 西

至石樓縣界一百二十五里至陝西延安府吳堡縣界甄角

村一百四十里

府縣志作西至黃河界一百五十里

南至隰州界化圪梁村

七十里隰州治二百里 北至永甯州界口村二十五里

永甯州治五十里 東南到孝義縣界大井村四十五里

作東南王孝義縣界五十里 孝義縣治一百七十里 西南到石樓縣治

百二十里 東北到永甯州界南溝村三十六里 西北到

永甯州縣志作界一百一十里到吳堡縣治一百七十里

鄉鎮 北鄉朱家店二十里 南鄉暖泉鎮九十里 西鄉鋤溝

鎮七十 青龍鎮八十里 永三交鎮一百 娑陀店

舖總舖在城 東路康家塌五十里 偏城一百里又四十里

家舖在縣北二十里 道經 東經倉兒灣柳溝村谷瀛溝師莊村三家莊康家塔

舖七十 至黑嶺越嶺經坡峪村二十里至汾陽界偏坡舖

南經段家莊陳家灣萬年堡四十五里至黃蒿嶺越嶺經關

口

一

上村劉家坪三十五里至孝義界弓家灣西經張家坡吳村
胛二十里鋤溝鎮惠家坪胛三十里宋家溝三交村轉角村
胛二十里又二十里至石樓界黃河岸北經龐家會尙家峪
太高村朱家店胛五里越朱店山又十里至永甯界高家溝
此孔道也環縣胛山惟北達永甯尙屬平坦東南經百家峪
枝河村西南經車胡峪二十里石板溝三十里曹家峪十里
乾村二十五里暖泉鎮王家莊胛十里沙塘村十五里又八
里至石樓界平底村西北經賀家塢三十里留義村四十里
又五十里至石樓界裴溝東北經郭家山十里越山經朱家
嶺十里越嶺又六里至永甯界南溝村此小徑也

右汾州府

潞安府

中缺
縣雜

禹貢冀州之域商時爲黎微國地殷季都朝歌爲畿內地周
爲黎侯及赤狄潞于甲氏留吁鐸辰諸國後屬晉戰國曰上
黨爲韓之別都後馮亭以上黨歸趙有城市邑十七秦置上
黨郡治壺關城楚漢之際爲西魏魏王豹地

謹案水經注作治長子府志以漢志從之治壺關出
魏地形志又元和志上黨下州城漢壺關縣也潞州
下董卓作亂移理壺關城卽今州理是也相合

漢仍置郡領縣十四治長子城屬并州部後漢因之省余吾
領縣十三董卓之亂徙治壺關城晉治潞縣領縣十隸并州
析沾縣屬樂平省陽阿阿氏穀遠三縣置武鄉縣石勒罷并
州分上黨置武鄉郡慕容儁破冉閔地入於燕上黨郡治安
民城在襄垣縣後徙治壺關城苻堅滅燕地入於秦慕容永

據長子號西燕統郡八後爲慕容垂所破地入後燕北魏皇
始元年平并州地入北魏郡徙治安民眞君中復治壺關領
縣五延和三年置鄉郡領縣四建義元年分鄉郡置襄垣郡
領分置縣四俱隸并州北齊郡縣多省後周建德七年於襄
垣縣置潞州郡屬焉隋開皇十年廢上黨郡移潞州治壺關
十六年於襄垣別置韓州大業初復置上黨郡治上黨縣廢
二州入焉領縣十唐隸河東道武德元年改爲潞州領縣四
又於襄垣置韓州二年置總管府領潞澤沁韓蓋五州四年
分上黨置壺關縣貞觀元年置都督府八年置大都督府十
年又改爲都督府十七年廢韓州以所管襄垣等五縣屬潞
州開元十七年以皇帝舊邸置大都督府領慈儀石沁四州
天寶元年改爲上黨郡乾元元年仍爲潞州大都督府治上

黨縣領縣十建中初徙昭義節度於潞州遂稱昭義軍五代
梁末帝龍德三年改曰匡義後唐同光元年改曰安義晉長
興元年復曰昭義軍宋隸河東路太平興國初改昭德軍領
河東路兵馬鈐轄兼提舉澤晉絳州威勝軍屯駐泊木城兵
馬巡檢事通考三年以錫鞬武鄉二縣屬威勝軍建中靖國三年改潞州爲軍
崇甯三年升爲隆德府大都督府上黨郡仍名昭德軍節度
領縣八七月置交子務金隸河東南路潞州上州領縣八上
黨縣爲倚天會六年以節度使兼潞遼沁觀察處置使元隸
晉甯路初爲隆德府行都元帥府事太宗三年復名潞州爲
下州領縣十明洪武二年以上黨縣省人州九年直隸山西
布政司嘉靖元年設冀南分巡道駐此七年析置平順縣八
年升州爲潞安府設郭下長治縣統縣凡八

國朝因之康熙六年裁分巡道併入冀甯道乾隆二十九年併平順縣爲鄉入潞城領縣七

長治 長子 屯留 襄垣 潞城 黎城 壺關

謹案史記趙世家孝成王二年韓上黨守馮亭入城市邑十七今攷漢志上黨郡領縣十四當時漢郡縣多因秦舊秦多因六國之舊較趙氏少三城竊意河東郡之端氏濩澤二縣當卽本屬上黨漢乃改屬耳以地望準之此二縣在穀遠隋氏之南羊腸坂之北實上黨地也然仍少一縣又意今之和順爲晉梁榆地水經注可證後爲戰國之闕與秦趙相持此爲要地不應不置縣至漢破夏說仍於此處要可知矣意此縣漢初尙在後乃省入沾縣而沾縣境愈大矣合

之爲縣十七當今澤潞遼沁四府州地實爲上黨全

境也

史記正義七國時趙得魏地韓有潞州及澤州之半則十七城惟在潞澤矣姑備一說

府城

漢壺關縣故址也隋開皇中修復之卽今西北子城

又展而南爲大城門四上各有樓東曰潞陽南曰德化西曰威遠北曰保甯西北隅樓二曰看花曰梳洗而看花尤高相傳唐明皇爲別駕時常游覽焉西南有長子樓舊有門通長子縣稍東有八義樓舊有門通八義鎮明洪武間輒登四門各建小月城築敵臺八嘉靖七年葺以甃石周二十四里高三丈五尺厚二尺增修城樓置敵臺三十七窩鋪一百二十八隆慶時修潞城隍四周俱疏掘及泉深四丈闊如之歲久淤塞

國朝順治九年西門樓燬於火知縣王功成重修康熙九年

澤雨垣圯知縣姜愷加修乾隆三十一年知府張淑渠請帑修明年工竣知縣馮埏復濬濠四周悉如故制

府境 在省治東南四百五十里

東西廣三百一十里南北袤二百八十里府志廣三百二十五里袤二百七十五里

東至河南彰德府林縣界一百六十里 西至平陽府岳陽

縣界一百五十里 南至澤州府高平縣界八十里 北至

遼州界二百里 東南到河南衛輝府輝縣三百三十里

西南到澤州府沁水縣二百五十里 東北到彰德府涉縣

一百七十里 西北到沁州二百一十里 自府治至

京師一千三百里

長治縣

中缺
繁雜

古黨國也秦置壺關縣爲上黨郡治漢亦隸上黨郡高后元
年封孝惠後宮子武爲侯國後漢末上黨郡白長子徙治之
晉末慕容暉亦自安民城移上黨郡來治其後北魏眞君太
和景明代有徙置而皆不在此隋開皇十年移潞州治壺關
縣十八年析置上黨縣大業二年省壺關入焉爲上黨名縣
之始唐^望潞州治武德四年又析置壺關縣爲上黨壺關分
縣之始宋^望爲隆德府治金^尚潞州治元至元三年省錄
事司人焉明初省上黨縣入州嘉靖七年升州爲潞安府十
年置長治縣倚郭下

國朝因之編戶舊一百七十里今一百十二里

舊通志長治壺關辨秦置上黨郡治壺關城漢治長子
城前漢志壺關注云有羊腸阪卽黎亭是後漢志注云

文王戡黎卽此又引上黨記曰東山在城東魏地形志注董卓亂治壺關城慕容儁治安民城後遷壺關城皇始元年遷治安民真君中復治壺關隋開皇初廢上黨郡有壺關縣大業初復置郡廢壺關入上黨唐武德四年析上黨置壺關有政聖宮有聖瑞閣有五龍山馬駒山宋以後皆名上黨別置壺關明初省入潞州嘉靖七年升州爲府十年乃置長治附郭今壺關在府治東二十五里蓋長治卽隋唐以後之上黨縣上黨卽古壺關也

縣志黎者說文翬股諸侯國在上黨東北尙書西伯戡翬書傳黎近王畿之諸侯在上黨東北正義曰漢上黨郡壺關所治黎亭是也史記股本紀西伯伐飢滅之周

本紀云敗耆國案飢亦作𠩺𠩺飢耆與黎皆同聲字𠩺則因國名而得也耳漢上黨郡治長子壺關故城卽今府治故許氏及僞孔傳皆云在上黨東北也黎亭並見漢志及水經注今不能確指其處而據書疏壺關所治唐志潞州有截黎府去今府城當不遠若周之黎國括地志謂在黎城元和志黎城縣古黎國春秋傳曰晉荀林父滅潞立黎侯而還今縣東十八里黎侯城是也

謹案上黨本都名秦漢置郡兼潞澤遼沁四府州地元魏紛增州郡隋氏又以名縣遂爲一邑之專稱開皇初析之縣府志謂在長治南十六里之故縣村縣志謂在今壺關縣皆未可定

據水經注故縣村乃隋水所經之長子城也北

魏潞陽國徙治之縣其改省地志無明文

據隋仁壽二年梵境寺舍利碑

潞州壺關縣云云則此上黨縣明非州治至大業初
罷州置郡始徙其縣入城而郡縣遂同名唐志所云
廢壺關入上黨直是改壺關爲上黨耳

縣城附郭

縣境東西廣四十里南北袤一百里

縣志廣三十里
袤八十五里

東至壺關縣界常井村二十里西至屯留縣界康莊二十
里長子縣界李末村二十里少南至長子縣治五十里南
至澤州府高平縣換馬村八十里高平縣治一百二十里
北至潞城縣界李村二十里少東至潞城縣治四十里東
南到壺關縣界沙河村十五里壺關縣治二十五里澤州府
陵川縣界官嶺八十里陵川縣治一百二十里西南到長
子縣界宋村三十里沁水縣治五十里東北到潞城縣界

南村十五里到平順鄉城七十里 西北到屯留縣界史村

三十里屯留縣治六十里

潞安府同知駐太義鎮

縣丞駐西火鎮

鄉鎮 北太平鄉漳澤鎮十五里 南五龍鄉北董集十里南董

集十五里蘇店鎮十五里高河鎮二十里郝店鎮二十里柳林集三十里

西南入諫鄉韓店鎮四十里太義鎮六十里東和鎮五十里師莊

鎮七十里東南雄山鄉大峪鎮四十里王坊鎮五十里桑梓鎮六十里

陰城鎮六十里西火鎮八十里

舖遞 總舖在上黨門 東路壺神頭十里接壺關縣界北路史

家莊十里漳澤鎮十五里接關村舖十五里接化家莊七里通

西南路城南莊十里高河鎮二十里接長子縣界

道徑 東自壺神頭越石子河至常井村十五里又十里達
壺關南經寨子村信義營胥五里至韓店營二十里又橫嶺
營八脩營胥十里抵高平界西南經侯南莊鋪十里秦村高
河鋪胥五里至長子界西經史家莊十里梁家莊漳澤鋪胥
五里至屯留界又西經角沿村越石子河至潞城界北經景
家莊五里關村鋪五里又四十里至潞城此孔道也東南四
十五里至壺關東南五十五里至陵川界西北二十里至屯
留界胥小徑也

長子縣

簡缺
衡

周太史辛甲所封春秋晉長子邑

作書紀年
作尚子

漢長子縣爲上

黨郡治

師古曰長音
長短之長

又隋氏東南境晉太元中慕容永據此

北魏普泰中分長子寄氏置樂陽縣北齊二縣俱廢長子縣

亦廢隋開皇九年置寄氏縣移治於此十八年改爲長子屬
上黨郡唐緊隸潞州宋中隸隆德府金隸潞州元下如故明
隸潞安府

國朝因之編戶舊九十三里今三十一里

舊通志長子辨山海經蒼梧之山舜葬於陽丹朱葬於
陰括地志云丹朱故城在鄧州內鄉縣內鄉亦有丹朱
墓考浮山爲丹朱食邑而平陽府及陽城縣皆有丹朱
墓長子縣又有丹朱陵郭守邦曰陵當作嶺聲相近遂
傳訛也或曰此堯暄父子墓或曰嶺土色赤故名丹朱
陵非以允子之故按武王封辛甲於長子晉人執石買
於長子是周以前已有長子地名西又近浮山界卽謂
邑名因丹朱而傳也可

縣城 舊城周二十里相傳卽慕容永故都也金天會九年
昭義節度楊天吉就東偏縮建小城縣令趙惠成之賀允中
繼修卽今城也周五里一百八十步高二丈二尺厚一丈門
四明景泰初別開西小門門上各建樓成化十二年重修正
德七年加修計高三丈五尺厚二丈池深一丈五尺樓櫓鋪
舍一十九間題其門東曰賓陽南曰挹薰西曰望山西小門
曰觀湖北曰拱辰嘉靖七年重修隆萬間再修改題小西門
曰上章其後城爲雨圯旋即修復崇禎間復濬重壕闊二丈
國朝順治十一年知縣張獻素輒甃城門并修樓櫓鋪舍康熙
二十三年知縣郭守邦重修乾隆二十七年知縣高謫增
高垛口悉易輒改題四門東曰朝陽西曰來爽南曰炳曜北
曰望京

縣境 在府西少南五十里

東西廣一百三十里南北袤八十里縣志表七十五里

東至長治縣界高河鎮三十里縣志李宋村界三十里長治縣治五十

里 西至平陽府岳陽縣界杜村一百里縣志杜村界一百里岳陽

縣治二百九十里 南至澤州府高平縣界鴉兒溝四十里

縣志南三十五里高平縣治七十里縣志九十里北至屯留縣

界田莊村四十里縣志田莊村界四十里屯留縣治五十里縣志六十里東

南到長治縣界南呈鎮二十里到澤州府陵川縣治一百二

十里 西南到沁水縣界陽魯村四十里沁水縣治二百里

東北到潞城縣界董村三十里潞城縣治九十里 西北

到沁州沁源縣界營裏村四十里沁源縣治二百里

鄉鎮 東鄉南呈鎮二十里南張鎮二十里西鄉石哲鎮二十里

橫水鎮一百里 南鄉張店鎮十五里 礐村鎮四十里 北鄉鮑店

鎮四十里

驛站 漳澤驛 次衝在南關舊在縣西漳澤村後移此 北六十里至屯留

縣余吾驛南六十里至高平縣長平驛見額馬十四匹馬夫五

名遞運所夫三十五名

舖遞 總舖在東關 東路辛莊十里朱村二十里 南路堡頭

崇仁二十里張店三十里 北路鮑村五里草坊十五里馬村二十里

張莊三十里接屯留縣河北店舖

道徑 東經北劉辛莊胥五里宋村十里又十里至長治界

李末舖以達府城南經河頭堡頭胥五里崇仁張店胥十里

又十里至丹朱嶺由高平以達澤州北經垣裏五里草坊十

里馬坊張店胥五里至鮑店鎮山屯留以達沁州此首程孔

道也東南經南劉下霍十里渡濁漳河又十里至南呈鎮由長治壺關界以達河南彰德西經石哲鎮二十里王村十里又二十里至岳陽界橫水村口西北至屯留界營裏村四十里此小徑也

屯留縣

簡缺

春秋赤狄留吁地後爲晉純留邑漢置屯留余吾二縣屬上黨郡師古曰屯音純余吾後漢建武六年封景丹子尙爲侯國後省入屯留魏晉仍之北魏建義元年析置建義縣隸襄垣郡北齊並廢隋開皇十六年復置屯留縣隸上黨郡唐上武德五年自崔瑋徙今治宋上隸隆德府金隸潞州元下至元三年省入襄垣縣十五年復置隸潞州明隸潞安府國朝因之編戶舊五十五里今二十里

左傳晉執孫蒯於純留杜注今上黨郡括地志屯留故城在潞州長子縣東北三十里屯留縣志在縣西南十里又重壁村在縣西十二里輿地志屯留縣有屯留城隋志長子縣舊有屯留縣皆當指故城而言蓋漢以來所治也其城西之重壁故治域始於北魏或始於隋皆不可考

舊通志屯留辨屯留一名余吾一名純留一名戎屯一名留吁此胥見於史傳可考至前漢上黨郡陟氏後漢曰猗氏後魏改稱寄氏注云有猗氏城建義元年又分屯留置建義縣有鹿臺山及祠又普泰中分長子屯留置樂陽縣有望天嶺絳水所出有堯祠此舊誌所以謂屯留有寄氏之半也屯留故城在長子東北爲韓趙要地樂陽縣今隸長子爲樂陽村又考開皇九年置寄氏縣十八年改爲長子則長子亦兼有漢陟氏地云

縣城 唐武德五年建元縣尹劉依仁修周四里三十步高三丈厚九尺池深一丈五尺門四各建樓於上明洪武二年景泰元年先後加修成化十三年絳水衛北城知縣王紳移北門於舊門東五十餘步引絳水使離城北里許正德十四年知縣范璟復徙北門於故址建重樓嘉靖間重修城形舊西東闊南北狹狀類瓶故號瓶城乃改爲方城周圍築敵臺八三十七年改建東西甬三門樓萬厯間又修東南門樓扁其東曰賓陽南曰迎薰西曰常遠北曰拱辰崇禎十四年知縣艾泰甄葺東西北三牆城甃

國朝順治二年知縣王昌齡並南城悉葺以甃

縣境 在府西北六十里

東西廣一百二十五里南北袤四十八里

東至潞城縣界安場村三十五里潞城縣治七十里縣志東北六十

里為潞城縣西至沁源縣界辛莊村九十里南至長子縣界

鮑店鎮十八里長子縣治六十里北至襄垣縣界會原村

三十里東北到長治縣界邊村三十里長治縣治六十里

西南到平陽府岳陽縣界邊寨鎮九十里岳陽縣治二百

六十里東北到潞城縣界西王村四十里西北到襄垣

縣界五嶺山四十里沁州治一百三十里

鄉鎮東鄉上村鎮二十里西鄉丈八佛廟鎮五十里中村鎮

八十良馬鎮一百邊寨鎮一百南鄉駝坊鎮二十里豐儀鎮

四十北鄉余吾鎮二十里常村鎮二十里

驛站余吾驛次街在酒關鎮今移北六十里至襄垣縣

虎亭驛南六十里至長子縣漳澤驛見額馬十四匹馬夫五名

遞運所夫三十五名

舖遞 總舖在縣治前 東路宋莊十里鳴水二十里史村三十里

長治縣界北路魏村十里余吾二十里武莊三十里交川四十里遞

南路西賈十里田莊二十里接長于縣界

道徑 西南一百里至岳陽界邊寨鎮又三十里至勞耕村

界西經丈八佛廟五十里又四十里至沁源界辛莊村又十

里至中村寨界胥山蹊險道也

襄垣縣簡缺

秦置屬上黨郡以趙襄子所築故名襄垣漢因之亦曰襄城

武帝以封榮龍為侯國莽曰上黨亭晉末慕容儁嘗移上黨

郡治縣之安民城北魏皇始初亦徙治焉延和二年隸鄉郡

建義元年又析置襄垣郡并襄垣縣為郡治領襄垣五原建

義川陵四縣北齊廢郡後周建德七年于縣置潞州隋開皇
十年移州治壺關十六年復置韓州大業初州廢縣仍屬上
黨郡唐上武德元年於縣復置韓州移治甘羅水南領襄垣
黎城涉銅鞮武鄉五縣又割并州之榆社來屬三年置甲水
縣屬焉仍以榆社屬榆州六年割沁州之銅鞮來屬九年省
甲水縣貞觀十七年廢韓州以襄垣等五縣隸潞州宋上隸
隆德府金隸潞州元下如故明隸潞安府

國朝因之編戶舊二十八里今增十坊都里如故

舊通志襄垣辨漢晉以前隋唐以後襄垣皆屬上黨郡
惟北魏於鄉郡置襄垣注有五青山神祠襄垣城臨川
城又於襄垣郡置襄垣注建義元年分鄉郡之襄垣置
有安民城襄垣城卽郡治也按鄉郡置於延和二年由

延和至建義凡九十餘年非有兩襄垣特增易其城郭
更移其郡屬耳他如漢涅縣之故城北魏之臨川城後
周置韓州之韓城唐開元龍見之青城皆非今治或曰
趙襄子曾築城甘水之陽故卽以襄垣名縣云

謹案漢表兩襄城侯於韓嬰地繫之魏於桀龍繫以
襄垣蓋史氏據原封之籍所審定者是襄垣兼有襄
城之名也又案魏志建義有鹿臺山隋志山在襄垣
蓋高齊時併建義入襄垣也今山在縣南二十里漳
河之陰縣在元魏疆域紛錯以水經注核之地形志
所云襄垣城當指漢故城在今縣東北濁漳之陰注
云漳水東北流逕襄垣故城南王莽之上黨亭是也
其北魏郡縣所治當在今縣西小漳河北注謂銅鞮

水運襄垣縣入於漳者觀地形志所舉山川城邑皆
在今縣北似當時南境僅及二漳後析屯留置建義
又省建義併入南境始差廣如今制云

縣城 趙襄子所築舊址在甘水之北見文獻通考輿地注
唐武德初築韓州新城於甘水之南金天會間邑令韓俊以
鄉民依城者衆城不能容增水南外城卽今城也周六里三
十步高二丈厚八尺池深二丈一尺門四東曰東作南曰陽
澤西曰西成北曰靖朔上各建樓明洪武三年重修景泰間
成化間先後繼修正德間又修隆慶元年撤土陴悉易以甃
計一千五百有奇建甃敵臺八濬濠深二丈闊稱之新四門
城樓益角樓及鋪舍崇禎間甃葺全城

國朝順治九年知縣李永彪雍正九年知縣劉德潤先後繕

治乾隆二十七年發款重修知縣安恆復偕士民捐建護城石隄二十九年知縣高秉渠三十六年知縣賈慎行皆嘗補葺

縣境 在府北少西九十里

東西廣一百二十五里南北袤九十里

縣志廣一百一十里袤八十五里

東至黎城縣界鷲溝村五十里黎城治九十里西至沁州

界溫泉村七十五里

縣志七十里

少北至沁源縣治一百六十里

縣志作西北抵沁源

南至潞城縣界石窰村二十五里

縣志

潞城縣界

北至沁州武鄉縣界高嶺村六十五里少西至

武鄉縣治九十里至遼州榆社縣治一百五十里東南到

潞城縣界河湃店三十里潞城縣治六十里西南到屯留

縣界交川鋪五十里東北到武鄉縣界北漳村五十三里

到遼州治一百六十里 西北到沁州界新店村小王舖八

十三里到沁州治一百二十里 縣志西抵沁州治一百一十里

鄉鎮 東北長樂鄉下良鎮 三十里 西營鎮 四十里 東南永豐

鄉 西北甘泉鄉 西南平善鄉長隆鎮 二十里 東周鎮 二十里

夏店鎮 三十里 虎亭鎮 六十里 榆林鎮 八十里 舊與東周鎮並有集今廢

驛站 虎亭驛 次街 在虎亭鎮北六十里至沁州沁陽驛南

六十里至屯留縣余吾驛見額馬十匹馬夫五名遞運所夫

三十五名

舖遞 總舖在縣治前 南路王橋里泉水 二十里又十里

西路新興里甘泉 二十里 夏店里 三十里 太平 四十里 獅山 五十里 虎

亭 六十里 赤壁 七十里 西南路瓦子嶺 七十里 榆林 八十五里

嶺山 九十里 接屯留縣界 北路舊有上村偏

橋下袁木佛中頓五舖通武鄉縣今廢

道經 東由倉上村經王橋村三里上王村五里至普頭村二十五里西由倉上村經西翟村甘泉鋪二十五里越獅山至虎亭鎮四十里又由虎亭北至沁州新店界魏家坡村二十里由虎亭南經瓦札榆林五嶺磬十里越五嶺山至屯留交川鋪界二十五里南經倉上村五里至泉水鋪嶺界十五里北經上豐村十五里同轅店村二十里官道村五里龍王堂村二十五里又十里至武鄉高嶺村界此孔道也東由北陽村經八里莊臥羊溝艾河村四十里至黎城界鶯溝村南由張家莊經小黃莊西李村東周村侯堡村三十五里至屯留常村鎮界西由西川村經北坡村圪塔頭村西莊村五十里至虎亭鎮北由西河底經陽澤河南置村王村五十里至沁州界史壁此小徑也

潞城縣 簡缺

春秋時潞子嬰兒國後屬晉漢置潞縣隸上黨郡晉上黨郡治今縣東北四十里之故城是也北魏眞君十一年移縣別置曰刈陵建義元年改隸襄垣郡隋開皇十六年於此復置潞城縣而改刈陵爲黎城縣皆隸上黨郡唐上隸潞州天祐二年更曰潞子宋上仍名潞城縣隸隆德府金隸潞州元下如故明嘉靖七年析潞城之東南境兼壺關黎城二縣地置平順縣隸潞安府

國朝因之乾隆二十九年降平順爲鄉入潞城編戶舊八十一里今二十六里平順歸入者十二里

舊通志平順縣本青羊里舊隸潞城明嘉靖三年里人霸吏陳卿起爲盜潞城令不能制嘯聚滋衆恃險出沒

事聞調河南山西官兵勦之八年賊平兵科給事中夏言勘奏建縣治

縣志潞縣故城在今縣北四十里秦漢迄晉皆治其地與今黎城合爲一縣故馮奉世潞人而墓在黎城之東其吾兒峪古壺口杜注左傳以爲潞縣東有壺口關也隋志黎城縣後魏以潞縣被誅遣人置一統志刈陵故縣在黎城西北十里蓋眞君旣誅叛民並縣亦徙而故治遂墟故魏志云刈陵有潞城也今以志所載疆域核之惟伏牛山武軍城及故潞城爲縣地積布山臺壁並在黎城涉城涉水在河南涉縣自微子嶺以南則別屬壺關是今縣地在彼時爲襄垣郡之南境上黨郡之北境矣

案天象山在今縣北五里地形志山屬屯留是時實割屯留西界壺關北界以置今縣云

縣城 隋開皇十六年建周四里十步元至正二十四年元帥關保因舊增築高二丈六尺厚一丈五尺池深一丈二尺門四上各建樓明隆慶二年增高至三丈六尺並建月城五年重修城樓及警舖萬厯間加修崇禎十二年輒登計高三丈厚一丈五尺周八百零二丈敵臺二十四角樓二

國朝康熙三十四年城及樓漸圯知縣張士浩重修并濬其濠道光咸豐間知縣楊從龍段金甌相繼修

平順城 嘉靖八年用兵科給事中夏言議始建城周二里高二丈門二南曰太行一障東曰陽谷重憲門臺俱輒砌上各建樓置窩舖六池深二丈五尺闊二丈構橋以通萬厯四十年開東南門上建樓三楹顏曰文明崇禎十四年以城近山裁去其半用石周砌

縣境 在府東北四十里

東西廣二百一十里南北袤六十里

東至河南林縣鮑家砦一百四十里 西至屯留縣界尙村

三十五里屯留縣治六十五里 南至長治縣界關村二十

五里 北至黎城縣界漳河四十里北馬村四十五里 東

南到壺關縣界一百五十里到河南彰德府林縣一百四十

里 西南到屯留縣界三十五里到長治縣界北頭村三十

里長治縣治四十里到澤州府高平縣治一百六十里 東

北到黎城縣界四十里黎城縣治六十五里縣志六到彰德

府涉縣治一百二十里 西北到襄垣縣界河泮鋪四十五

里襄垣縣治八十里縣志六到沁州治一百七十里

平順鄉 在縣東南四十里西南至府七十里

巡檢司在虹梯關

鄉學訓導在鄉城

鄉鎮 東懷仁鄉微子鎮十五里 神頭鎮二十里 西嘉義鄉安

昌鎮二十里 黃碾鎮三十里 南執禮鄉南垂鎮二十里 北崇智

鄉合室鎮十路 河鎮四十里 平順鄉北社鎮

舖遞 總舖在城 東北路石岡五里 馮村十五里 神頭二十里 路

河三十五里 又五里 南路翟店十里 南垂二十里 又五里 西

路史坊八里 故驛二十里 王禮三十里 河涯四十里 又五里 西南

路張莊二十里 李村二十五里 接

道徑 東北經五里後村石岡舖胥五里神頭舖十里至潞

河鎮共三十五里越漳河入黎城界西經北莊林五里舍村

十里張莊五里起雲臺十里越漳河入屯留界此孔道也東

經後村五里靳村十里又黃牛村十里又十五里至平順鄉
由鄉三十里達虹梯關九十里達王峽關皆通林縣南經南
莊翟店胥五里又南垂鎮十里至長治界西經史坊十里史
迴黃碾鎮胥五里南村十里至襄垣界北經合室余莊曹莊
胥十里南馬村十里至黎城界此小徑也

黎城縣

簡錄

周黎侯國後爲潞氏所滅後屬晉爲壺口邑漢上黨郡潞縣
地北魏眞君中以潞縣被誅遺人於故黎侯城西十八里置
刈陵縣隸襄垣郡隋開皇十八年改名黎城隸潞州大業初
州改上黨郡仍隸焉唐上武德初隸韓州貞觀十七年州廢
隸潞州天祐二年更名黎亭宋天聖三年徙治縣東南白馬
驛熙甯五年省入潞城元祐元年復隸隆德府金隸潞州貞

祐三年改隸崇州元至元二年併涉縣偏城等十三村入焉
仍隸潞州爲下縣明隸潞安府

國朝因之編戶舊三十七里今二十四里又平順縣歸還五
里併爲三里入焉

後漢志潞本國注左傳哀四年齊伐晉壺口杜預曰潞縣
東有壺口關

元和志黎城縣古黎國春秋傳曰晉荀林父滅潞立黎侯
而還今縣東十八里黎侯城是也

舊通志黎辨黎城縣名定於隋白馬驛之黎城自宋始
遷黎本強大今長治壺關黎城等縣皆古黎地或曰子
姓或曰任姓皆侯國爵其後恃壺口關吾兒峪之險不
共王命故尙書西伯戡黎黎乃指全國而言非謂金治

白馬驛之黎城也後漢書壺關有黎亭故黎國卽水經
所云黎陽故城在黎山東北九域志所云亭在黎侯嶺
上者是元併涉縣金隸崇州後魏本刈陵至春秋時黎
侯失國而寓衛黎在衛西詩故云匪車不東山川記以
黎陽山爲衛黎侯國應指所寓之地而名之二漢晉魏
郡魏黎陽郡隋汲郡唐魏州宋衛州金濬州皆載黎陽
非文王所據之黎也

謹案宋志黎城天聖八年徙治涉縣東南白馬驛涉
字當衍或於字之譌白馬驛卽今縣治西北距舊縣
十里涉縣遠隔重關疆域各別卽以地望準之驛正
在其西南安得云東南乎

縣城

宋天聖三年移治白馬驛之故城也周四里有奇高

三丈東北隅依舊阜池深一丈闊稱之門三東曰拱辰南曰南薰西曰西成元至元末知縣崔聚杜旺繼修明景泰初重修正德間高廣門基贅以甃石門各建樓嘉靖間增築城垣四面各厚丈許隆慶間築敵臺二十上各建樓又置角樓四三門外創建重門甃贅之增雉堞一千五百有奇濬壕深廣各一丈五尺東城置水門及鐵柱以出城中積水崇禎十四年撤土陴悉易以甃

縣境 在府東北一百一十里

東西廣一百一十里南北袤一百三十里

東至河南彰德府涉縣界黃花峽四十里

縣志東至林縣黃花峽界四十里至西至襄垣縣界營溝口四十里

少北至沁州治一百四十里南至潞城縣界

縣志西至武鄉縣界又百一十里

河二十里少東至潞城縣治六十五里縣志至潞城又四十里北至

遼州界下五村一百里遼州治一百八十里東南到潞城

縣界王曲村三十里平順鄉城九十里西南到襄垣縣界

西峪村五十里襄垣縣治九十里西北到遼州界雲頭底

九十里桐峪嶺一百里武鄉縣治一百八十里

鄉鎮東鄉故關鎮二十里西鄉上遙鎮三十里北鄉南陌

鎮七十

鋪遞總舖在縣治前南路西作十里又十里東路亭

河十里故關二十里兒峪二十五里通涉縣

道徑東至響堂舖南越漳河趙店鎮西經上內化五里谷

馬村西社村胥十里上遙鎮五里又十里至襄垣界營溝口

此孔道也而吾兒峪乃天險也東經任莊二里陳村五里嚴

井村十五里又八里至涉縣界宋家莊東南由趙店鎮經路
堡五里又十里至平順界王曲村西由谷馬村經卽莊村十
里樞村二十里石板村十里又十五里至武鄉界三角村西
北經古縣十里淇井村曹莊村原泉胥十五里石背底十里
清泉村二十里又十五里至遼州界雲頭底北由曹莊村經
桑魯村二十里西井鎮五里南陌鎮三十里又十五里至遼
州界防相村此山徑也

壺關縣

簡缺

古黎國地秦上黨郡壺關地二漢晉同後罷縣北魏眞君中
始移上黨郡於今縣東南境尋廢之太和十三年復置壺關
縣景明二年移治潁陽岡仍隸上黨郡厯齊周皆爲郡治隋
開皇十年廢郡置潞州於漢壺關故縣十六年析壺關置上

黨縣大業二年併爲一縣改潞州爲上黨郡治焉唐上武德
四年復析上黨置壺關縣治高望堡貞觀十七年移治進流
川卽今治也宋中隸隆德府金隸潞州元下如故明隸潞安
府

國朝因之編戶舊七十九里今十里又以平順縣原析之小
十里併入焉

縣志縣與長治自秦漢迄魏晉本皆一地而治所則在
長治今縣之得名自後魏始而廢於隋其再立爲縣自
唐武德始而定於貞觀舊志潁陽岡今縣治後魏嘗置
縣址存案寰宇記後魏宣武帝二年移壺關縣於潁陽
岡卽今縣理不爲無據特括地志云後魏移壺關縣當
羊觶坂羊頭山之阨方輿紀要壺關故城在縣東南五

十里證以魏書地形志壺關所有山川大半皆今縣東南地而大王鳳凰二山則繫之屯留帝紀太平眞君九年詔於壺關東北大王山累石爲三封又斬其北鳳凰山南足以斷之今大王山在縣東南二十三里若其時

縣治已在今縣安得云壺關東北大王山乎

地形志上黨郡皇始

元年治安民城眞君中復治壺關似潁陽岡之置縣卽在眞君時宣武帝或太武帝之謠竊謂縣東

南六十里有皿陽山下有城頭村舊志謂爲慕容永所築之益陽城也皿陽當是益陽之殘字而益陽又當是潁陽之譌文因附近之陽護城照城有慕容遺蹟遂並此城屬之而謂今治爲潁陽岡又爲進流川唐置縣去隋廢郡僅數十年何地名遂歧異若是哉

縣城

唐貞觀十七年建周二里二百四十步東南北三門

明洪武二年修景泰初再修嘉靖十一年新闢西門扁曰通政尋塞二十二年戮以甌石計高三丈五尺梁口八百四十五崇禎間塞梁口存其半東南西北各建角樓一巡舖十六國朝順治十三年知縣尔輔重修復闢西門康熙十八年久雨北城圯南閘開壞敵樓亦傾知縣章經修復道光十年四月地震梁口傾圯殆盡知縣茹金重修並繕門樓敵臺悉如舊制

縣境 在府東南三十里

東西廣五十里南北袤九十五里

東至平順鄉界常家池村四十里 西至長治縣界沙池村

十里 南至澤州府陵川縣界司家河村六十里

縣志陵川縣界七十

里 少東至陵川縣治九十里 北至潞城縣界苗莊村二十

五里少西至潞城縣治六十里 東南到陵川縣界五十里
到林縣界嘴則上村一百五十里到河南衛輝府輝縣治三
百里 西南到長治縣界璩寨村四十里到澤州府高平縣
治一百二十里 東北到平順鄉苗莊村三十八里平順城
五十里冊作七十八里到黎城縣治一百三十里 西北到長治縣
界長井村二十里長治縣治三十里縣志作西到襄垣縣治一百
五里

鄉鎮 東崇陽鄉龍鎮五十里 趙城鎮七十 杏城集八十 花園

集九十 北通潤鄉辛村集二十 東南紫團鄉固村鎮十二

五里 西南三老鄉大峪鎮四十里長 馮坡集 古任集

舖遞 總舖在縣治前 西北路長井舖二十里舊有石橋舖並通長治

道徑 東經崇賢村十五里固店村十里晉莊村五里又十

里常家池至平順界東南經四家池禾登村固村胥十里長
甯村二十里三教口村十五里忽坡村二十五里盤底村十
五里玉皇廟十里馮家灣二十五里又十里至林縣界南經
宋堡村十五里自羊護村至柏林村二十五里寨河村馬鞍
村胥十里又北鎬河村三里至陵川界西南經小山村十里
宋堡村十五里好牢村大峪鎮胥五里又五里至長治界璩
寨村西經程村五里又五里沙河村至長治界西北經大河
口村五里集店村八里長井舖五里又二里至長治界北經
壇後村五里雕莊村七里辛村八里苗莊村十里又十里至
潞城界比干村東北經南鳳村十里北鳳村五里又五里至
平順界馮善村胥山徑也

右潞安府

山西通志卷二十四